

乾隆寶鷄縣志

(清)

許起鳳
纂修
高登科



本書十卷首一卷，清乾隆二十九年（一七六四）刻。據鈔本影印，其中第五卷由刻本補配。

序

鳳郡八屬惟陳倉建邑
最古陳倉即今之寶雞
也其沿革之故與夫山
川形勢文物風俗舊有

寶雞縣志

序一

載而未詳且修之在昔
已歷有年驗於往者難
信於今起於後者未表
於昔網羅散失叅定是
非固有司者所難謝也

方今

聖朝治教休明翔風丕變海
宇乂安尤復加意史乘
即新疆遠拓其地輿圖
籍

寶雞縣志

序二

特派臣工纂修釐定以昭一
統無外之模而况近在
中土者哉邑令許君知
其不可緩也蒞寶兩載
修廢舉墜政通人和爰

取舊志而新之輯殘補
缺手自編摩既已成帙
進而請序於余披閱之
下按其山川稽其物產
驗其人文審其風俗以

及城池戶口田賦祀典
之屬條理井然瞭如指
掌視昔之所修非踵事
以增華實徵文而考獻
其詳要有體固可以備

參稽而昭來許乎余奉
恩命來守鳳郡三載於茲過
寶者屢矣至則往往以
今之所見證昔之所云
而竊心喜其俗之較厚

於昔謂寶之人有以自
勵抑亦
聖化之涵濡者深也然則許
君今日修訂之後或百
年或數十年寶之山川

形勢固猶是也而文物
風偕歲異月新其又可
以今日之取云者盡之
乎吾固為寶邑望之也
時乾隆乙酉春仲上澣

之吉鳳翔府知府達靈

阿序

序
苑川為關中西南門戶
四達衝衢百產雲集而
周原膺膺地沃民稠聲
名文物之盛甲於他邑

蓋鳳屬一大都會也恭
逢我

朝重熙累洽休養生息百
餘年天地効靈人民和
樂山川日出其利風偕

日進於淳人文秀美接
踵而起官斯土者正宜
潤色昇平鼓吹大雅豈
仍昔日之因陋就簡為
哉予以壬午仲夏奉

寶雜縣志

序三

命調宰斯邦下車之日採
風問俗披閱邑志見其
篇帙無多舉一漏百年
深剝落字跡僅存且按
籍而稽大都名則是而

實則非計其書距今已
八十餘年矣前聞往見
事如積薪繼此不修又
將何以信今而傳後耶
第因事有緩急先其大

寶雜縣志

序三

者越明年而棧道重修
以利行旅城工告竣以
固封疆以及館驛衙署
次第整飭皆已就緒幸
際時和年豐訟庭清簡

遂於甲申初夏謀諸寅
僚僉有同心請之上
憲皆蒙允可乃遴邑中
紳彥十餘人設局授餐
分類纂修拾遺補闕編

為十卷閱半載而書成
較之舊牒新增三分之
二釐綱剔目開卷一新
翻閱之下可以識是邦
山川之景勝驗物產之

豐饒採風倍之醇懿覘
人文之美備皆駸駸乎
十倍於昔偉哉一闕右
名區視向之因陋就簡
者不居然一博大昌明

之氣象耶至於稽度考
憲維風勵倍教養有方
張弛得體以仰副
聖天子慎選牧令之司無忝
父母斯民之責則予願

舊叙

知縣朱炳然

與後之君子朝夕共勗
焉耳是為序

時

乾隆二十九年歲行甲

申臘月之望寶雞縣知

寶雞縣志

序下

縣唐昌許起鳳書

夫志邑史也史擬真不採華崇正不釣詭備事不駁而濫所以昭實錄垂法戒非必嫻於文稱班固云陳倉西波千頃日秀萬峯沂吳襟帶其右岐鳳雄峙其左昔傳炎帝周姜誕於此則靈傑可識矣不任總角仰止及入境難涓涓猶故也而往哲久湮英碩淪沉為之太息於是詢故室訪野史若而孝若而節若而忠義闡幽揚芳志產別區延邑學弟子員編次清寶雞縣志

朱叙

署大都增美不文瑕質而該直而不阿又得弘正間殘編揆其槩核其尤而志始成焉噫嘻志非徒載記不沒沒也歷封域則思因慎析物產則思樽審按登眺則吊古興懷息有抑淑有勃則思律檢而貞持然則志之刻獨文也乎哉蓋凜凜冰鑑與國史永傳不朽矣余敢望孟堅萬一乃素所景仰而鑒之者常在斯乎遂梓以廣同志昔萬歷戊申歲仲春廿一日知寶雞縣事大足太彬朱炳然謹識

舊叙

知縣嚴夢鸞

傳諸將來俾有所徵攷云昔崇禎十三年歲次庚辰
孟冬穀旦知寶雞縣事平濠嚴夢鸞紫甫謹識

余丁丑仲冬承乏寶雞是日周步城頭觀茲邑形勢
北屏山原南扼棧雲清渭連金陵玉潤山水相環如
帶美哉山川雄勝結秀鍾英自古神農氏所以興也
余慨慕久之因求茲邑之封域城池戶口田賦古蹟
風俗文獻節孝宦績人物兵防祀典之書而觀之咸
曰縣志舊板久為兵火焚燬故家獻老或有舊冊存
焉余輒然思曰郡邑之志即古列國之史一國之事

寶雞縣志

嚴叙

二

寶雞縣志

嚴叙

三

皆載其中不載其何以傳但余自視事伊始即值兵
荒頻仍余飲冰焚香誓天以保障為己任乃為之繕
器械嚴防禦捐貲築臺疏棧建堡剔蠹息訟振旅和
民接剝出沒無常之寇調停八百偏苦之站日無暇
晷曷克及此然而斯志固未嘗一刻擲懷也今歲秋
抄業績願暇乃進諸生披閱舊冊並所未載績次成
編舉所為封域城池戶口田賦古蹟風俗文獻節孝
宦績人物兵防祀典及諸僊釋寺觀各外志悉皆雖
離指掌焉爰壽諸梓以垂永世非敢曰纂修縣史抑

舊叙

邑人克崇雅

志也者毅事顯義用昭勅我蓋亦書叙九丘詩陳列
國意也余邑志自大足朱公重修後迄今殘篇幾不
可攷我邑 父母嚴公一旦搜覓其舊簡諸士而次
第之然亦未及他有衷益止此賦類推堞迥異疇昔
云爾余謬謂形勢山川之所結土產山川之所宜人
物山川之所鍾非人之所可為也舊載既悉何必他
有衷益其待培養使之不澆且耗者莫大風俗物力

寶雞縣志

克叙

四

稽古神農氏感神龍而育於余邑姜水其俗樸重端
慤不爭忿而財足交易而退各得其所今何如哉語
云窮則變今日之風俗猶望今日之人心留之乎惟
自歲之己巳冠氣漸熾戶口日消桑田半成草萊三
餉有加鹽課有加房稅有加 藩封之贍田有加捍
禦之兵餉有加且也輪蹄如織聯風接漢偏苦未有
寧息嗟嗟彈丸兵荒頻仍之衝邑司牧者撫字極勞
終何補於仰屋之嗟所可為者慎固封守樹內藩以
禦外侮而已余故出蜀入 告曰綢繆西南牖戶雖

兩廛 聖慮深愧空言無當今因嚴公毅然圖之衆
土始傲崇墉圮圮竟厥成不然陳寶抱蜀漢之喉
少示之敗恐憂不在一邑矣此嚴公區畫賦類推堞
之微意也余思 國步多艱誰為中流擊楫倒黃池
之戈勒燕山之石俾薄海內得扶杖而聽寬租之
詔安居食力再見法者不煩之治心嚴公之心者莫
旦暮過之耳崇禎庚辰孟冬于姜克崇雅書

寶雞縣志

克叙

五

舊叙

知縣薛光前

稽鄭漁仲曰志之大源起於爾雅馬遠曰史班固曰書輝嶠曰典張勅曰錄第其中或浮於泛議或略於事實率無當於爾雅志之難言久矣不佞丙戌夏奉命治陳寶時地方新經蹂躪士民遑遑日付循安輯不暇敢言文事越丁亥諸緩急稍就理始集諸高士於學宮而謀其文戊子之夏簿書公餘尋所為邑之園說封域而不可得尋所為形勝古蹟陵墓風俗而

寶雞縣志

薛叙

六

不可得政所為城池戶口賦徭役水利方物而茫然攷所為祀典兵防官職名宦選舉孝義節烈恩廢藝文而茫然詢其故僉曰先戊中大足朱公志之庚辰平濼嚴公重刻之皆以兵火故不存噫彰往鏡來典何如鉅而忍令闕缺遂敷請邑紳士於金臺而作始續館載於牛山而集成歷所親記再加編輯為卷二十歷時六月始告竣不佞受而卒業上下數十百年洞若觀火矣遂序曰提封百里閭澤欲流山谷隔關幽隱豈周乃著園說千室之聚延袤百里跨秦西

南相為唇齒乃志封域雞山峨嶽渭水滌紆如螺如帶現秀逞奇乃志形勝徘徊適魯揮澤浮湘流風興感懷古不忘乃志古蹟寒山秋草夜室常扃佳氣蔚蔚想像儀型乃志陵墓先進非野純儉吾從破觚斷珣返於洪濼乃志風俗王公設險保障后先相後名邑德然重闢乃志城池百年積累編茲滋蕃國脉攸繫生道孔艱乃志戶口則壤有制徂實紛紜辨才履訟版籍載清乃志賦征調類仍心歌往往節以制度期於休息乃志徭役山陰燥壤引灌莫施陵堰瀦

寶雞縣志

薛叙

七

潘旱魁攸資乃志水利阻山峻峭不產珍奇菽粟絲桑備土是宜乃志方物周旋禮讓陟降禮陰有其舉之期格稍謹乃志祀典特警密通無事張皇慎固封守以備非常乃志兵防分職別事各有司存敢告在位作士勸民乃志官師流風善政須藉良吏月試已成舉其有試乃志名宦山朗水秀棧棧青莢經明行修應運網羅乃志選舉百行之源萬事之紀發潛闡幽高樹懿範乃志孝義柏舟絕咏黃鵠與歌冰霜凜凜力挽頽波乃志節烈分猷展采是賴巨察報隆所

自華家所獲乃志思脣舍虞早米搗落敷瓊陳詩觀
風考古鏡今乃志藝文凡此皆諸紳士苦意編摩焜
耀傳世之業也 不佞 更有申馬夫政莫大於經時教
莫重於宏化事莫準於稽古法莫良於宜民將安所
取哀哉孟子曰反經而已明道術正人心俾官師因
之表率寮屬父兄因之訓迪子弟飲華就實去偽歸
真人心正而學術明教化興而風俗美是司牧者責
也所藉以風之者斯志之功大矣昔順治六年知寶
雞縣事晉萬泉薛光前序

寶雞縣志

薛叙

八

舊叙

陳寶之志由來久矣兵火散逸僅類殘碑斷碣耳余
承乏茲土疲瘁馬駭載星出入未遑編輯會學臺暨
郡尊兩大人檄下促旦夕以觀厥成余適秩滿遷去
因求之縉紳先生家得其遺牒鱗集成篇用壽梨棗
越月而刻始成但哀蓋未加或者病其踵事而未增
華也余謂山川雲物往哲今賢流耀競奇無容贈矣
即後姑驗煩哀鴻重足得之聽觀者目色而神傷安

寶雞縣志

周叙

九

俟余之悲鳴聒聒為雖然石火電光一綫僅存耳倘
後之君子履其地讀其書脩明補救不嘆杞宋之無
徵余願足矣又何求焉昔順治十四年歲次丁酉孟
冬穀旦知寶雞縣事三韓周愷謹識

知縣周愷

舊叙

知縣何錫爵

國家建官設牧畀以民社四境之內實統屬之其間
封域之廣狹山川之陰陽風土之淳澆名物食貨之
豐嗇一有不知當事者之耻也

朝廷有史郡邑有志志之為書網羅古今統括萬有
銘諸板而藏之示有守也余治陳寶之初風土人物
邈不相習名蹟物產更覺惘然問志于司藏告余曰
邑中舊志代有翻刻自兵燹以來地方蹂躪人戶流

寶雞縣志

何叙

十

亡志之舊板缺略不可考矣余思縣令為

天子職守是土則凡山川土地 天子之疆界賦式

類徵 天子之財用物產蓄殖 天子之食貨英雋

碩耆 天子之人才若夫星紀分野上闢天文勝蹟

名都下徵地理文事武備洵政治之規模志孝節烈

實教化之綱維志之不存亦安所稽乎乃訪諸故老

購求遺書既得之即欲刊布奈

朝廷方有事西南轉輸紛紜日無暇晷此事未及謀

焉今年冬長鯨校首民以一寧而邑之百務漸次即

安余始壽諸梨棗以永厥世是役也縣尉熊君董工
郡學吳子校正余之賴兩君子以相與有成者匪敢
曰有功修明也聊以無忝職守云爾昔康熙歲次辛
酉臘月望後六日寶雞縣令三韓何錫爵晉侯氏謹
識

寶雞縣志

何叙

十一

例言十二則

一舊志始於前明萬曆時大足朱公摸如正間殘編而成繼修於崇正十三年平澤嚴公三修於

國朝順治六年葛泉薛公因兵燹散逸無存十四年

三韓周求之縉紳遺牒稍鱗次之時奉憲檄

赴期即就故多率略難以傳信康熙二十二年

三朝何又續修之仍陋就簡括三卷僅九十一

頁自後八十年來未有舉者舊板蠹腐字跡剝

落爰採羣籍綴遺文卷凡十條分數十都為一

寶雜縣志

卷之首 例言

一

部凡四百幾十餘頁書既四倍於舊事亦頗詳

於前匪云踵事增華取譏大雅不敢抱殘守缺

貽憾來茲

一諸圖首全疆昭分守也次山川見形勢也次治

署表觀瞻也次學宮重名教也次景勝又增八

景俾閱是書者一展卷而全邑之綱領正如聚

米畫沙瞭然在目

一各卷之首標一總序羣目之下仍繫數言全篇

大指一檢便得無任擬前揭後之勞

一地理卷內編星野以地分星也沿革有表村堡

有聯古今名號皆補舊志所缺終附禮制以見

聖化涵濡民淳風古猶有三代之遺

一貢賦丁徭古今查更今遵賦役全書原額新增

悉按實在奏銷冊籍一一釐正舊時名色股項

今已奉裁者繁不瑣述至倉儲仗關民食並載

條約以見良法美意奉行宜恪

一舊志學校不特立綱非所以崇禮教敦化源也

今自學宮祭器典籍等類靡不詳載備錄以志

寶雜縣志

卷之首 例言

二

盛典謹法守而書院義學皆作人之地悉附簡

末

一石鼓出於三代籀文初自興周並稱世珍有光

故土舊志第載今文未詳圖蹟有不知石鼓為

何物者今各為繪圖增入籀蹟及古文並附音

釋庶使後世好古之士復覩先物

一官師例當列表但舊牒散失載自明始以前無

考如周之龍叔隔代難載珠屬缺憾非故略也

即集中所載歷任人員間多事蹟無徵年次失

考至於承尉司鐸巡司駐弁遺軼尤甚皆為見聞所限耳

一 人物自徵辟以上皆已炳節當時策勳 王事

者文苑而下多在下位或才稱時序德重鄉評

有善必錄無微不顯如耆壽非第以齒兼論其

德方伎非第以能並推其品他如隱逸流寓才

外等傳說具本條之首茲不復贅

一 科貢列表按年可稽感哀武選寥寥不克成圖

姑仍舊式至於例捐亦仕宦出身之途立賢無

寶雞縣志 卷之首 例言

方不拘一格故皆附人物項下若封廕則榮膺

褒寵美堂門第之光允矣忠孝之報

一 列女風化攸關查核尤慎已經題旌者固當形

管示其他如宴節孤孀視察如齋情實堪矜不

忽表揚何以發潛德而闡幽光故實則必登所

收特詳

一 志載藝文各體俱收惟以事有關於景勝風教

足資考証者悉為採入但名篇古作搜羅不及

未免遺珠續遺補陋願以俟後之賢者

寶雞縣志目錄

卷首

序 舊序 例言 目錄 姓氏 全疆圖

山川圖 縣治圖 縣署圖

地理卷一

疆域 呈野 沿革 形勝 山川 鄉里

建置卷二

城池 公署 祠廟 壇壝 坊表

賦役卷三

田賦 戶丁 徭役 課稅 倉儲

學校卷四

學宮 祭器 典籍

古蹟卷五

都城 池臺 寺觀 橋渡 塚墓

官師卷六

知縣 縣丞 教諭 訓導 巡檢

人物卷七

古聖 鄉賢 忠烈 官績 徵辟 文苑

選舉卷八 上

科貢 武選 例貢
封唐 史選

列女卷八 下

貞烈 孝節 苦節

藝文卷九

頌 銘 疏 議 啟 記
說 辨 歌 詩 賦

雜記祥異卷十

寶雞縣志

卷之首 目錄

三

寶雞縣志纂修姓氏

主修 寶雞縣知縣許起鳳

纂修 縣丞管東河驛務蔣大中

儒學教諭董鑑

儒學訓導雷乃元

督修 藍門司巡檢石夢元

號川司巡檢王世貴

典史梁繩祖

分修 舉人高登科

寶雞縣志

卷之首 姓氏

一

貢韓萬

貢楊甲木

生孔傳忠

生容萬有

生高元

生高元掄

生吳曰南

生楊儲精

生楊翼

監

增

增

增

康

康

康

拔

拔

舉

